

堯山堂外紀

堯山堂外紀卷六十四

晉陵蔣仲舒編

宋遼金

東丹王突欲

遼太祖阿保機長子史名
倍次曰堯骨後改名德光

後唐天成初遼主滅渤海改為東丹國以其長子

倍為東丹王其後述律后立次子德光東丹王

曰我危哉不如適他國以成泰伯之名遂立石

海上刻詩曰小山壓大山大山全無力羞見故

鄉人從此投外國遂越海歸中國唐長興六年也明宗賜姓名曰李贊華以莊宗妃夏氏妻之拜懷化軍節度使

東丹王有文才博古今其帆海奔唐載書數千卷習舉子每通名刺云鄉貢進士黃居難字樂地以擬白居易字樂天也尤工畫人物鞍馬世傳東丹王千角鹿圖李伯時嘗臨之董北苑有跋云

趙延壽

仕後唐為樞密使清泰末陷契丹耶律德光用為丞相綜國事晉少主失

政延壽道德光為亂凡數年之間盜有中夏實延壽贊成之力也

趙延壽將家子幼習武略即戎之暇時復以篇什為意嘗在虜庭賦詩曰黃沙風捲半空拋雲動陰山雪滿郊探水人迴移帳就射鵬箭落著弓杪鳥逢霜果饑還啄馬渡冰河渴自跑占得高原肥草地夜深生火折林稍南人聞者往往傳之

王徽

高麗國主

高麗國步夷升爲鄰每因契丹誅求藉不能堪國主王徽常誦華嚴經祈生中國一夕忽夢至京師備見城邑宮闕之盛覺而慕之乃爲詩以記曰惡業因緣近契丹一年朝貢幾多般移身忽到京華地可惜中宵漏滴殘乃遣使朝宋時神宗元豐初也

韓繳如

高麗自太宗後久不入貢至元豐初始遣使來朝
其後遂相沿不廢大觀間葉夢得爲館伴故事
使人到闕不過月徽宗欲令觀殿試放牘遂畱
七十日使者頗脩謹詳雅葉撫之甚厚將行餞
之占雲館而別其副韓繳如馬上忽使人持一
大玉帶贈葉云此實故物其家世傳以爲寶今
以爲獻且予笏上自書一詩相別云泣涕汎瀾
欲別離此生無復再來期謾將寶玉陳深意莫

忘思人見物時葉以高麗使故事無解換例力
辭之

韓正

遼右金吾
衛上將軍

燕北風俗不問士庶皆自稱小人宣和間韓正歸
朝授檢校少保節度使對中人以上說話即稱
小人中人以下即稱我家每日到漏舍誦天童
經數十遍其聲朗朗然且云對天童豈可稱我
自皇天生我皆改為小人云皇天生小人皇地

載小人日月照小人北斗輔小人前後二十餘
句凡稱我者皆改爲小人誦畢贊笑云這天童
極靈聖王少師云若無靈聖如何持得許多小

人

趙良嗣

燕人馬植仕契丹至光祿卿行汙而
內亂不齒於人童買使至虛瀾植謁

見言有滅燕之策貫載與侯歸易
姓名曰李良嗣薦諸朝賜姓趙氏

趙良嗣與王環使女真隨軍攻遼上京城破有詩

曰建國舊碑胡月暗興王故地野風乾回頭笑

向王公子騎馬隨軍上五鑾

上京乃契丹所謂西樓賣耶律氏之

咸鎬豐沛五鑾乃上京

殿名保機之故巢也

天祚文妃

契丹自阿保機至天祚九世亡

文妃喜文墨嘗作史詩以諷諫云丞相朝來劔佩

鳴千官欄日寂無聲養成寇盜謀將及害盡忠

良諫不行親戚盡連藩屏翰私門潛蓄爪牙兵

可憐二世秦天子猶向宮中望太平文妃被誅

後其子晉王亦以誦金受誅時稱母子俱賢

虞仲文

字質夫迹目為相
歸金校樞密使

虞質夫四歲作雪花詩曰瓊英與玉藥片片落前
墀問着花來處東君也不知時人目為神童

宇文虛中

字叔通自號龍溪老人宋黃門侍郎以奉使留金仕為翰林學士參

旨密與高士談謀欲因金主重郊天就劫殺之先以蠟書告宋俾為外應秦檜拒不納事覺與其子師援坐誅

宇文叔通四時迴文各三絕句短草鋪茸綠殘梅

照雪稀暖輕還錦褥寒悄怯羅衣春翠漣冰綻

日香徑晚多花。細筍抽蒲密。長條舞桺斜。素拆
花幽檻小。傾酒綠杯深。蝶舞輕風曉。鶯啼老樹
陰。^三翠密圍牕竹。青圓貼水荷。睡多嫌晝永。醒
少得風和。^一草徑迷深綠。蓮池浴膩紅。早蟬鳴
樹曲。鮮鯉躍潭東。^二暴雨隨雲驟。驚雷隱地平。
好風搖蓮透。輕汗挹綃清。^三晚日欹簾捲涼風。
覺袂搖遠吟高興。遣長醉宿愁銷。^一短葦低殘
雨。虛舟帶晚潮。斷鴻歸暗浦。疎葉墜寒梢。^二秋感

感蒼吟苦。茫茫水驛孤。日銜山色暮。霜帶菊叢

枯。

三秋

鶻健呼風急。鳥啼促景殘。窟深宜兔蟄。蒲

折蔭魚寒。

一冬

裂瓦寒霜重。鋪窻月影清。滅燈驚

好夢。孤枕念深情。

二冬

秀栢畱陰綠。芳梅醺影斜。

溜簷冰結玉。裝樹雪飛花。

三冬

涇王許餉叔通以酒幾月不至叔通以詩促之曰

先生寂寞草玄文。正要侯巴作富鄰。客至但須

樽有酒。日高不怕甌生塵。急催嶺外傳梅使。來

餉籬邊採菊人已掃明憲供點筆爲君擬賦洞庭春

吳激

字彥高自號東山宋宰臣拭之子王履道外孫而宋元章婿也將命帥府以知

名雷之仕爲翰林待制

吳彥高同兒曹賦蘆花云天接蒼蒼渚江涵裊裊
花秋聲風似雨夜色月如沙澤國幾千里漁村
三兩家翻思杏園路鞭裊帽簪斜

吳彥高在燕山赴張總侍御家集張出侍兒佐酒

中有一人意狀摧抑可憐扣其故乃宣和殿小
宮姬也因賦人月圓詞紀之聞者揮涕其詞曰
南朝千古傷心事猶唱後庭花舊時王謝堂前
燕子飛向誰家恍然一夢仙肌勝雪官髻堆
鴉江州司馬青衫淚濕同是天涯時宇文叔通
亦賦念奴嬌先成而頗近鄙俚及見此作茫然
自失是後人有求作樂府者叔通即批云吳郎
近以樂府名天下可往求之

吳彥高題風流子詞於燕山驛壁間曰書劍憶游
梁當時事底處不堪傷蘭楫嫩漪向吳南浦杏
花微雨窺宋東墻鳳城外燕隨青步障絲惹紫
游韁曲水古今禁烟前後暮雲樓閣春草池塘
回首斷人腸年芳但如霧鏡髮成霜獨有蟻
尊陶寫蝶夢悠揚聽出塞琵琶風沙淅瀝寄書
鴻鴈烟月微茫不似海門潮信能到潯陽

靖康之喪

中原為虜地當時高人勝士陷沒者不少紹興
庚申辛酉河南關陝暫復有自關中驛舍壁間

得詩二絕云。鞀鼓轟轟聲徹天。中原塵井半蕭然。鶯花不管興亡事。枝點春光似去年。又云。渭平沙淺。鴈來棲渭漲沙。移鴈不歸江海。一身多少事。清風明月淚霑衣。

吳彥高在會寧府遇老姬善琵琶。自言梨園舊籍。因有感而賦。春從天上來。詞曰。海角飄零嘆漢苑。秦宮。墜露飛螢夢回天上。金屋銀屏歌吹競。舉青冥。問當時遺譜。有絕藝鼓瑟湘靈。促哀彈似林鶯。嘒嘒山溜泠泠。梨園太平樂府。醉幾度春風。鬢髮星星。舞徹中原塵飛滄海。風雪萬

里龍庭寫胡笳幽怨人憔悴不似丹青酒微醒

一軒涼月燈火青螢

王防禦王說此詞句句用琵琶故實

吳彥高又有訴衷情詞云夜寒茅屋不成眠殘月

照吟鞭黃花細雨時候催上渡頭船鷗似雪水

如天憶當年到家應是童稚牽衣笑我華顛

蔡松年

字伯堅官至尚書右丞相鎮陽別業有蕭閑堂自號蕭閑老人二字珪字

正甫璋字特甫俱第進士號稱文章家正甫七歲賦菊菊詩語意驚人權第後不赴選

調求未見書讀之其辯博為天下第一遂為金源文宗特南非其比也恩州桑維字

之才伯堅之
婿亦有才名

金源百年間樂府推蔡伯堅與吳彥高號吳蔡體
其大江東去乃樂府中最得意者離騷痛飲問
人生佳處能消何物江左諸人成底事空想岩
岩青壁五畝蒼煙一丘寒玉歲晚憂風雪西州
扶病至今悲感前傑我夢卜築蕭閑覺來岩
桂十里幽香發魂磊胃中冰與炭一酌春風都
滅勝日神交悠然得意離恨無毫髮古今同致

永和徒記年月

伯堅在涼陁作聲聲慢寄內云青蕪平野小雨千
峯還成暮陁寒色裁剪芸窻憶得伴人良夕遙
憐幾重眉黛恨相逢少於行役梨花淚正宮衣
春瘦曉紅無力應恠浮雲夫婿不解趁新醅
醉眠涼月怨入關河西去又傳音息誰知倦吟
心事何來年苦思泉石人未老約問峯多占秀
碧

蔡伯堅又有鷓鴣天二闕云解語宮花出畫簷。雨
尊風味爲花甜。誰憐夢好春如水。可奈香餘月
入簾。春漫漫。酒厭厭。曲終新恨到眉尖。此生
願化雙瓊柱。得近春風煖玉纖。秀樾橫塘十
里香。水花晚色靜年芳。胭脂雪瘦薰沉水。翡翠
盤高走夜光。山黛遠。月波長。暮雲秋影蘸瀟
湘。醉魂應逐凌波夢。分付西風此夜涼。

蔡正甫畫眉曲云樓外春山幾點螺。樓頭望處染

雙蛾不知深淺隨宜否。却倩菱花問。眼波纖葉
斜橫。蜀柳條。拂成風思。自妖嬈。元和才子才猶
拙。只對春風詠舞腰。

并門自古無竹。李文饒嘗一植之。歷宋數百年。寺
僧日爲平安報其難可知矣。大定間蔡正甫由
禮部郎出守離州。乃于官舍東堂種碧蘆。以寄
意。因作長短句曰。青君那肯顧寒鄉。試着葭蘆
擬汶篁。有若何堪比。夫子虎賁。猶想見中郎色。

添新雨。簾櫳好聲。八微風。枕簟涼。他日東堂慙
政拙。只將此物當甘棠。

王溫季自北都歸過正甫於三河坐中賦江城子
曰鵲聲迎客到庭除。問誰歟。故人車。千里歸來。
塵色半征裾。環重主人畱客意。奴白飯。馬青葛。

東城八眼杏千株。雪模糊。俯平湖。與子花間。
隨分倒金壺。歸報東垣詩社友。曾念我。醉狂無。
金初。文士如字。文叔通蔡伯堅吳彥高等不可
不謂豪傑之士然皆宋儒難以金源文派論之

故斷自正甫為宗党竹谿次之趙開閑又
次之自蕭真卿偏此論一時無異議云

桑之才白髮詩曰白髮近年見十中三兩莖半因
愁。僣出多為病添成。梳裏有時落鑷餘還又生。
老知無可避何處是功名。

高士談

字子文一字季默宋韓武昭王瓊之
後宣和末任忻州戶曹仕金為翰林

直學士皇統初預字文大
學之禍子公振字持夫

高子文棣棠詩云閑庭分植占年芳裊裊青枝淡
淡香流落孤臣那忍看十分深似御袍黃楊花

詩云來時官柳萬絲黃。去日飛毬滿路傍。我比
楊花更飄蕩。楊花只是一春忙。

蔡伯堅有詠茶好事近詞云天上賜金奩。不減壑
源三月午。筌春風纖手。看一時如雪。幽人只慣
茂林前。松風聽清絕。無奈十年黃卷。向枯腸搜
徹。高子文和云誰打玉川門。白絹斜封團月。晴
日小牕。活火響一壺春雪。可憐桑苧。一生顛文
字。更清絕。直擬駕風歸去。把三山登徹。

高特夫詩有家學題裴氏西園云簿領沉迷倦不
禁偶從名勝此幽尋竹陰疎處見潭影人語定
時聞鳥音陳跡謾畱千古恨歡遊聊慰十年心
多情一片梁園月送我垂鞭出上林

馬定國

字子卿在平
人號葵堂

馬葵堂少日志趣不凡宣政末題詩酒家壁云山
杏山桃取次開紅紅白白上樓臺移將海底珊
瑚樹乞與人家也不栽用是得罪亦用是得名

劉豫既受金冊立爲齊帝遂僭建元阜昌時薺堂
游歷下亭以詩撼之云男子當爲四海遊又携
書劔客東州煙橫北渚芰荷晚木落南山鴻雁
秋富國桑麻連魯甸用兵形勢接管丘傷哉不
見桓公業千古遶城空水流豫召與語大悅授
監察御史

崇寧間望氣者上言景州阜城縣有
天子氣甚明徵宗弗之信既而方士

之幸者頗言之有詔斷支隴以泄其所鍾居一
年猶云氣故在特稍晦將爲偏閭之象而不克
有終至靖康僞楚張邦昌之立踰月而釋位逆
豫既僭遂改元阜昌且祈于金酋調丁繕治其

故嘗夷鍊者力役彌年民不堪命亦不免於廢二惜皆阜城人卒如所占云

朱之才

字師美洛西人宋崇寧間登科入齊為官

朱師美題周昉所畫欠申美人圖云巫峽昭君有
奇色毛生欲畫無由得但作東風背面身看來
已可傾人國朝來睡起鬢髮垂手如春笋領端
蟬繡帷幽夢斷難續想像翠黛顰修眉春光三
月濃於酒燕燕雙飛鶯喚友不教膩臉露桃花
且喜腰肢似楊柳君不見漢宮多病李夫人轉

面不顧君王。噴古來畫工畫意亦自足。煙霧玉質何由真。

翟欽甫

金初人

有衆飲清菴中。翟欽甫偶至。衆不識其能詩。俾賦清菴欽甫故拙。起句云。爲問清菴何以清。衆拍手大笑。及賦第二句。霜天明月照蓬瀛。衆失色。連賦廣寒宮裏琴三弄。白玉樓頭笛一聲。金井玉壺秋水冷。石田茅屋暮雲平。夜來一枕遊仙。

夢十二瑤臺獨自行衆愧謝延之上座

堯山堂外紀卷六十五

晉陵蔣仲舒編

宋金

廢主亮

嘗自製尖韉頭極長銳云便於輶而足指所不及謂之不頭又為短韉僅

存其半謂之沒下稍其後淪盟紀順果為其下所戕死于江上大定初降封海陵

海陵初封岐王為平章政事頗知書好為詩詞語

出輒崛彊慙慙有不為入下之意嘗以事出使

道驛有竹輒詠之曰孤驛蕭蕭竹一叢不同凡

卉媚春風我心正與君相似只待雲稍拂碧空
又書壁述懷云蛟龍潛匿隱滄波且與蝦蟆作
混和等待一朝頭角就撼搖霹靂震山河旣而
過汝陰復作詩曰門掩黃昏染綠苔那回蹤跡
半塵埃空亭日暮烏爭噪幽徑草深入未來數
仞假山當戶牖一池春水遶樓臺繁花不識興
亡地猶倚欄杆次第開又一日至卧內見其妻
几間有巖桂植甌中索筆賦曰綠葉枝頭金纓

裝秋深自有別般香一朝揚汝名天下也學君
王著赭黃

海陵旣篡位一日閱柳耆卿望海潮詞欣然有慕
於三秋桂子十里荷花遂起投鞭渡江之志乃
密隱畫工於奉使中寫臨安湖山以歸旣進繪
事大喜亟命撤坐間軟屏更設所獻而於吳山
絕頂貌已之狀策馬而立題其上曰萬里車書
盡混同江南豈有別疆封提兵百萬西湖上立

馬吳山第一峰

淳熙間謝處厚有詩云誰把抗州曲子謳荷花十里桂三秋那

知卉木無情物牽動長江之愁然卒為金主送死之媒
卿詞雖牽動長江之愁然卒為金主送死之媒
未足悵也至於荷艷桂香粧點湖山清麗使士
夫流連歌舞遂忘中原是則深可恨耳因和其
詩云殺胡快刻是清謳牛渚依然一片
秋却恨荷花留玉輦竟忘烟柳汴宮愁

海陵南侵之議既決太后徒單氏數以言諫海陵
不悅遂弑之是歲中秋待月不至賦鵲橋僊曰
停盃不舉停歌不發等候銀蟾出海不知何處
片雲來做許大通天陣礙
虬髯撚斷星眸睜

裂惟恨。劒鋒不快。一揮截斷紫雲腰。子細看嫦娥體態。

海陵大舉南侵。使御前都統驃騎衛大將軍韓夷耶將射鵰軍二萬三千圍子細軍一萬先下兩淮。臨發。賜所製喜遷鶯以為寵。曰。旌麾初舉。正駃騠力健。嘶風江渚。射虎將軍。落鵰都尉。繡帽錦袍。翹楚怒。磔戟髯爭奮。捲地一聲。鼙鼓笑談。頃指長江。齊楚六師飛渡。此去無自墮金印。

如斗獨在功名取斷鎖機謀。垂鞭方略入事本。
無今古試展卧龍韜韞果見成功且莫問江左。
想雲霓望切玄黃迎路。

海陵至瓜洲詔諸將約以三日濟江否則盡殺之。
軍士危懼比又聞曹公烏祿卽位於遼陽遂共
謀殺之初亮入寇有人以焦貢易林筮遇解之
大壯其辭曰驕胡火形造惡作凶無所能成遂
自滅身其親切應驗如此。

劉瞻

字崑老自號櫻寧居士
天德三年南陽登科

劉崑老作詩工於野逸春郊詩云桑芽粒粒破春
青小葉迎春未展成寒食歸寧紅袖女外家紙
上看蚕生又賦所見云傾欹石片插漣漪上有
蕭蕭楊柳枝藻荇半浮苔半濕浣紗人去不多
時。

王寂

字元老薊州人
天德三年進士

王元老題易足齋云吾愛吾廬事事幽此生隨分

得優游窮。冬夜話蒲團。暖長夏。朝眠竹簟。秋一
榻蠹書閑處看。兩盂薄粥飽時休。紅旗黃紙非
吾事。未美元龍百尺樓。

王元老先人有鷄山詩云。記得垂齟此地遊。鷄山
孤立水平流。而今重過山前路。山色青青人白
頭。

趙可

字獻之。貞元二年進士。自號玉峯散人。

趙獻之風流有文采。其鷄鵠天詞云。金絡閑穿御

路楊青旗遙認醉中鄉。可人自有迎門笑下馬。
何妨索酒嘗。春正好。月初長。一尊容我駐風
光。歸來想像行雲處。薄雨霏霏洒面涼。又十
頃。車波溢岸青。草香沙暖水雲晴。輕衫短帽垂
楊裏。楚酒相看別有情。揮彩筆。倒銀瓶。花枝
照眼句還成。老來漸減金釵興。回施春光與後
生。

鄭景純

子時

少有賦聲其咏。醪醑有玉斧。無人解。

修月珠裙有意欲留仙之句甚為詩家所稱天
德三年景純第三人登科士論仍以為屈而海
陵不之許也正隆二年詔景純再試擇能賦者
八人先以題付之以困景純及開卷景純第一
海陵終不以為工與被黜者兩罷之趙獻之賀
啓云丹桂一枝不失舊物青錢萬選無媿古人

孟宗獻

字友之開封人
大定三年
鄉府省御四試皆第一

孟友之雪燭詩固知劫火終無盡誰謂清冰也自

焚未幾丁母憂哀毀致卒前數夕有星隕於所
居虛靜軒高特夫挽云誰謂詩成識清冰果自
焚人嗟埋玉樹夫為落文星孔嗣訓挽二二十
年間事才名一夢新衰羸驚喪母哀毀竟亡身
魂返愁楓夜情留淚草春黃公酒壚在此去只
悲辛

景覃

字伯仁華陰人自號渭濱野叟大定初
三赴薦試後以病不就舉與白水段子

新友善段名繼昌
自號達安居士

景伯仁鳳栖梧詞曰倦客情棕紛似縷小院無人
卧聽秋蟲語歸意已掩新鴈去晚涼更作蕭蕭
雨

段子新家甚貧而世間事皆不以挂口有以錢遺
之者必盡送酒家名酒曰黃嬌蓋閨中人謂兒
女曰阿嬌子新以酒比之故云一日天苦寒人
有遺之酒者飲不盡而醉夜半忽驚起以衣衾
覆酒缸僵卧榻上人為言酒自不冰先生將不

為寒所病乎子新笑曰人病酒可醫酒病不可
療也其好飲如此臨終辭鄉里託以他適明日
卧于党氏園亭大石上視之已逝矣景伯仁吊
之云適安居士舊知聞廓達靈根厭世紛辭罷
親朋便歸去一籌今日又輸君

段子新嘗讀紀信傳有感賦詩曰鹿走中原兩虎
爭榮陽園解事堪驚當時拔劍論功者失口何
人說紀生

党懷英

字世傑號竹谿宋太尉進士一代孫與濟南辛幼安同鄉蔡伯堅並仕決

以著辛得離決意南
歸党得坎遂留事金

党竹谿應制賦粉紅雙頭牡丹曰春意應嫌芍藥
遲一枝分秀伴雙趺並肩翠袖初酣酒對鏡紅
粧欲開奇曉日倚闌同妬艷東風拾翠兩駢眉
更看散作人間瑞萬里黃雲麥兩岐

宋真宗朝石曼卿通守朐山遣人以泥封桃李核
碑之崑石中其後花開滿山又嘗携妓飲山之

石室間鳴絃為冰車鐵馬聲。党竹谿過昀山為
詩弔曼卿曰城頭山色翠玲瓏。尚憶清狂四飲
翁。鐵馬冰車斷遺響。桃花石室自春風。生平詩
價千鈞重。身後仙遊一夢空。相見蓬萊水清淺
芙蓉城闕五雲中。

党竹谿咏茶青玉案詞曰紅莎綠萼春風餅。趁梅
驛來雲嶺。紫柱崖空瓊竇冷。佳人却恨。等閑分
破縹緲。雙鸞影。一甌月露心魂醒。更送清歌

助清興。痛飲休辭。今夕永。與君洗盡滿襟煩暑。
別作高寒境。

覺竹谿感皇恩詞賦。疊羅花曰。碧玉撚條。藍袍裁
葉。明艷黃深。軟金疊。道裝仙子。謫墮蕊珠僊闕。
為春閑。管領花時節。漢額粧穠。楚腰舞怯。襞
積裙餘。舊宮褶。東君著意。留伴小庭風月。任教
鷓鴣喚。群芳歇。

王庭筠

字子端。讀書黃華山。寺因號黃華山。
主工詩能文。書學宋元。章尤善山水。

墨竹

王子端初歷州縣用薦者供奉翰林承旨中為言
事者所累獄中見燕賦詩曰笑我迂踈觸禍機
嗟君底事入圜扉落花吹濕東風雨何處茅簷
不可飛

王子端平生愛天竺黃華山水其題黃華山一首
頗有太白聲調詩曰掛鏡臺西掛玉龍半山飛
雪舞天風寒雲直上三千尺人道高歡避暑宮

黃華采蓮曲云南壯。湖亭競采蓮。吳娃嬌小得人憐。臨行折得新荷葉。却障斜陽入畫船。

黃華書西齋壁云世事雲千變。浮生夢一場。偶然攜拄杖。來此據胡床。有雨夜更靜。無風花自香。出門多道路。何處覓亡羊。

黃華賦玉簪謁金門詞曰秋蕭索燈火新涼簾幕翠被不禁臨曉薄。南樓聞畫角。想見玉壺水。夢一夜西風開却。夢覺鳥啼殘月落。幽香無處覓。

着

王明伯黃華猶子也幼歲學書書家卽稱賞之性
倜儻膂力絕人嘗有詩曰釣鰲公子鐵心胸興
在三山碧海東千尺雲帆已高揭不知何日得
秋風死于鄧州年末四十

遼陽張仲澤

汝霖

春溪詩云黯黯春愁底處消小

桃無語半含嬌東風不管前溪水暖綠溶溶拍
盡橋高仲常

憲

元夕無燈詩云九陌無燈夜悄

然小紅時見點春烟多情惟有梅梢月拍酒樓
頭照管絃仲常黃華之甥黃華又仲澤之甥其
淵源有自云

高仲常自言於世味澹無所好唯生死文字間而
已有梅花引二首其詞曰蒿火目藜羹腹書生
寧有封侯骨長須奴卜澤車艱閑險阻誰教涉
畏途半生落莫長安道一事無成雙鬢老南轅
胡北轅吳功名富貴情知不可圖槐堂夢鼓

苗美馳驟百年塵一閑陶淵明張季鷹一盃濁
酒焉知身後名。有溪可漁林可緻須信在家貧
也樂。熊門春俱江雲幾時作箇山間林下人。

蕭貢

字真卿咸陽人
大定十九年進士

蕭真卿博學能文不減蔡正甫嘗擬迴文四章曰
春波綠處歸鴻過。夜月明時飛鵲愁。人去附書
將恨寄。暮山雲斷倚高樓。樓上却來樓下待
晚窻春盡斷回腸。愁人有說無人問。淚酒新詩

掃墨香。風幌半縈香篆細。碧窻斜影月籠紗。
紅燈夜對愁魂夢。老盡春庭滿樹花。萋萋碧
草連天遠。杳杳行人幾日迴。淒雨晚涼空坐久。
淚粧殘。暈濕紅腮。

火山瑩禪師陳州白氏岐山令君舉樞判文舉弟
也。棄家為佛子。自幼有詩名。河東嘗有詩云。十
日柴門九不開。松庭雨後滿蒼苔。草輭挂起。跣
跌坐消得。文殊更一來。歸寂後。客有持其集示。

真卿者真卿題云長短都歸一夢中身前身後
兩無窮李愷信士今如在定向江湖訪澤公

劉昂

字之昂興州人大定十九年進士泰和
間又有劉昂字濟霄者以先有劉昂號

小劉
之昂

劉之昂醉後詩曰神僧勸讀傳燈錄道士教行進
火功今日興來俱破戒黃花籬落醉西風歌風
臺詩曰劉項興亡轉燭過亂蟬吟破漢山河長
陵卧老咸陽月沛上猶傳擊筑歌山中雨詩曰

嵩高山下逢秋雨破傘遮頭水沒腰此景此時

誰會得清如窓下聽芭蕉其視其上下淋漓清在何

處時海鹽沈生因誦離騷經而得二句曰蕝蘭

芳芷蒨東臯閒步春風讀楚騷然下韻不接因

久思誤墜屋下人方驚扶乃曰好也好也遂歌

曰忽憶靈均發憂憤墜崖幾折沈即腰因思古

今未嘗無對傾跌傷體

寧無痛楚尚曰好耶

張秦娥者頗能小詩其賦遠山云秋水一抹碧殘

霞幾縷紅水窮霞盡處隱隱兩三峯其後流落

劉之昂贈詩云遠山句好畫難成柳眼才多總

是情今日衰頤人不識倚爐空聽煮茶聲又云
二頃山田半欲荒子孫零落一身孤寒窻昨夜
蕭蕭雨紅日花梢入夢無秦娥為之泣下

宋開禧間韓侂胄欲立蓋世功名以自固乃定議
伐金金元帥紇石烈子仁領兵駐濠梁時小劉
之昂作樂章一闕大書於濠之倅廳壁間名上
平南其詞云蠶鋒搖螳臂振舊盟寒恃洞庭彭
蠡狂瀾天兵小試百蹄一飲楚江乾捷書飛上

九重天。春滿長安。舜山川。禮樂唐。日月漢。
衣冠洗五州。妖氣閑山已平。余勳風行何用一。
泥丸有人傳喜。日邊都護先還。

趙秉文

字周臣號開閑德陵嘗賜公所服丹

書學士丞肯卒於
第人以為天幸

閑閑公為上清宮道士寫經并以所養鵝群付之
楊雲翼紀以詩曰會稽筆法老無塵今代閑閑
人後身只有愛鵝緣已盡舉群還付向來人

泰和初閑閑公知平定擬栩仙人王雲鶴往謁之
贈詩云寄語閑閑傲浪仙枉將詩酒污天全黃
塵遮斷來時路不到蓬山五百年因言唐世大
夫五百人皆仙人謫降中有為世味所著迷而
不及者如公與我皆是也他日玉龜山人謂公
云子前身赤城子也公因以詩記之云玉龜山
下古仙真許我天台一化身擬折玉蓮騎白鶴
他年滄海看揚塵久趙禮部定玉說丹陽子謂

公再世蘇子美也。公聞之曰：赤城子則吾豈敢。
若子美則庶幾焉。因作水調歌頭以寄意云。四
明有狂客，呼我謫仙人。俗緣未切，不盡回首落
紅塵。我欲騎鯨歸去，只恐神仙官府嫌我醉時
嗔。笑拍群仙手，幾度夢中身。倚長松，聊拂石，
坐看雲。忽然黑霓落手，醉舞紫毫春。寄語滄浪
流水，曾識閑閑居士，好為濯冠巾。却返天台去，
華髮散麒麟。

閑悶公青杏兒詞曰風雨替花愁風雨罷花也應
休勸君莫惜花前醉今年花謝明年花謝白了
人頭乘興兩三甌揀溪山好處追遊但教有
酒身無事有花也好無花也好選甚春秋

王中立

字湯臣號擬棚
晚年易名雲鶴

王擬棚少日治易有聲場屋間累舉不第賦詩曰
學劒攻書設自奇回頭三十六年非春風萬里
衡門下依舊并州一布衣

王擬栩家豪於財賓客日滿門待之備極豐腆其
自奉則日食淡湯餅一杯而已年二十四喪妻
遂不更娶亦不就舉選齋居一室枯淡如衲僧
如是三四年乃出時人覺其談吐高濶詩筆字
畫皆超絕若有物附之者問之不言也一日來
都下館閑閑公家中秋夜飲酒賦詩且就公索
墨水一桀公如言與之明旦不造而去壁間留
龜鶴二字廣長一丈而墨水具在不知以何物

書之朝士來觀者車馬填咽都下競傳王先生
仙去矣久之先生從外至問二字以何物書不
荅題詩其旁云天地之間一古儒醒來不記醉
中書旁入錯比神仙字只恐神仙字不如

擬柳平生詩甚多有醉袖舞嫌天地窄詩情狂壓
海山平之句他亦補此雜詩云華山宮殿白雲
封不見當年打獵翁貪看終南山色好不知紅
日下前峯 獨跨蒼虬下太清春風萬里月華

明因君感激為君說鑿破天機我也驚
雲葉紛紛皺碧空笙簫遞響入天風
忽驚風浪耳邊急不覺形神來世中
此生休更問浮名名利區區不甞停
我有一丸天上藥用時還解濟蒼生

堯山堂外紀卷六十五終